



МЕСЯЦА СЕНТЯБРЯ В 13-й ДЕНЬ

**Па́мьятъ обновле́ния хра́ма свята́го
Христа́ и Бо́га на́шего Воскресе́ния.
И предпра́зднство Воздв́ижения
честна́го и животворя́щаго Креста́.
И свята́го священномученика
Корни́лия со́тника**

НА ВЕЛИЦЕЙ ВЕЧЕРНИ

Обы́чная кафисма.

На Го́споди, воззва́х: стихіры на 6.

Обновле́ния 3, глас 6, самогла́сны:



бновле́ния почита́ти,/ вѣтхий за́кон и до́бре имѣ-
юще́ся,/ па́че же но́вая почита́ти обновле́ньми./
Обновля́ются бо о́строви к Бо́гу, я́ко глаго́лет
Иса́ия,/ я́же разумѣти подоба́ет от язы́к це́ркви
нѣне устро́яемая/ и водруже́ние приѣмлю́щая твёрдое
Бо́гом./ Те́мже и мы настоя́щая обновле́ния// духо́вно
да торже́ствуим.

**Обновля́йтесь, бра́тие,/ и, вѣтхаго челове́ка отло-
живше,/ в но́вости жи́зни жи́тельствуйте,/ всем узду́
наложивше, от ни́хже сме́рть:/ вся у́ды нака́жем,/
всякую лука́вую дре́ва снедь возненави́девши,/ и се́го
ра́ди то́чию помина́юще, дре́вних да бе́жим./ Та́ко да
обновля́ется челове́к,// си́це чті́тся обновле́ний де́нь.**

**Анато́лія: Положил еси́ столп крѣпости/ Це́рковь
Твою́, Христа́,/ Превѣ́чный Сло́ве,/ основа́л еси́ бо си́ю
на ка́мени ве́ры./ Те́мже недви́жна пребыва́ет во век,/
иму́щи Тя то́я ра́ди в послѣ́дняя/ невращѣ́нно бѣ́вши
Челове́ка./ Благодаря́ще у́бо, воспева́ем Тя, глаго́-
люще:/ Ты еси́ пре́жде веко́в, и на век, и ещѣ́ Царь наш,//
сла́ва Тебе́.**

Ины стихиры святаго, глас 4, на 3.

Подобен: Дал еси знамение:

Христос, призрев/ на твою благотворения, Корнилие,/ и божественныя молитвы,/ Ангела тебе святаго посылает,/ всего ты просвещающая,/ и апостолов священных верховнаго,/ обновляющая водою и духом/ ты вседомовно, достославне,// и научающая лучшим Духа благодатию.

Мастию помазан священства,/ потекл еси/ спасительное проповедание возвестити странам,/ искореняя прелести терние, богомудре,/ и насаждая нелепное учение в душах Духом./ Темже ты блажим,/ яко иерарха богоприятна/ и непобедима мученика,// веселящися, Корнилие.

Нравом твоея благодати/ последствующе, немудрии/ явися разумни;/ умер же и естества законом вселився, блаженне, во гроб,/ сего источник совершаеши многих чудес,/ мудре Корнилие,/ исцеляя болящия/ и отгоняя духи лукавствия// Духом Святым, богодохновенне.

Слава, обновления, глас 6. Самогласен.

Иоанна Монаха:

Память обновлений совершающе, Господи,/ Тя, святыни Дателя, славяще, молим,/ освятитися нашим чувством душ,/ молитвами славных страстотерпец,// Блаже Всесильне.

И ныне, предпразднства, глас тойже:

Днесь Древо явися,/ днесь род еврейский погибе,/ днесь верными царя вера является,/ и Адам древа ради испадет,/ и паки Древом демони вострепеташа:// Всесильне Господи, слава Тебе.

Аще ли в пятък вечера: И ныне, Богородичен первый настоящего гласа.

Вход. Прокимен дне, и чтения.

Царств третьих чтение (глава 8):

Ста Соломон пред лицем жертвенника Господня, пред всем собором Израилевым,/ и воздев рuce свой на небо, и рече:/ Господи Боже Израилев,/ несть Бог, якоже Ты на Небеси горе и на земли доле./ Аще бо

не́бо, и не́бо небесе́ не довле́ют Тебе́,/ ка́ко дом сей, егóже созда́х и́мени Твоему́?/ Оба́че и при́зриши на моли́тву мою́, Го́споди Бо́же Изра́илев,/ услы́шати моле́ние и моли́тву,/ е́юже раб Твой мо́лится пред Тобо́ю к Тебе́ днесь./ Да бу́дут о́чи Твой отве́рсты на дом сей день и но́щь,/ на ме́сто сие́, о нёмже глаго́лал еси́:/ бу́дет и́мя Моё́ та́мо, е́же услы́шати моли́тву,/ е́юже мо́лится раб Твой на ме́сте сем, во дни и но́щи;/ и послу́шати мо́льбу раба́ Твоего́, и люде́й Твои́х Изра́иля./ Ели́ка а́ще помóлятся к Тебе́ на ме́сте сем,/ и Ты услы́шиши на ме́сте жили́ща Твоего́ на Небеси́,/ и сотвори́ши, и ми́лостив бу́деши им.

Притчей чтение (глава 3):

Бог Премудростию основа́ зёмлю, угото́ва же Небеса́ ра́зумом./ В чу́встве Егó бездны разверго́шася, обла́цы же источи́ша ро́су./ Сы́не, да не премине́ши,/ соблюди́ же Мой сове́т и мысль, да живёт душа́ твоя́,/ и благода́ть бу́дет на твоёй вьш:/ бу́дет же исцеле́ние плóтем твои́м и попече́ние костём твои́м./ Да хóдиши наде́ясь в ми́ре во всех путéх твои́х,/ нога́ же твоя́ не по́ткнется./ А́ще бо сядеши, безбóязнен бу́деши;/ а́ще же поспи́ши, сла́дно поспи́ши./ И не убойши́ся боя́зни нашéдшия, ниже́ стремлénий нечестивых находя́щих./ Господь бо бу́дет на всех путéх твои́х, и утверди́т твою́ но́гу, да не позы́блешися./ Не отре́чься благотвори́ти тре́бующему, внигда́ а́ще и́мать рука́ твоя́ помога́ти./ Не рцы́: отше́д возврати́ся, и утро́ дам, си́льну ти сущу́ благотвори́ти;/ не ве́си бо, что породит находя́й день./ Не де́лай на дру́га твоего́ зла, пришельству́ющая и упова́ющая на тя./ Не любовра́жствуй на челове́ка всу́е, да не что на тя соде́лает зло́е./ Не стяжи́ злых муже́й поноше́ния, ниже́ ревну́й путём их./ Нечи́ст бо пред Го́сподем вся́кий законопресту́пник,/ с пра́ведными же не сочета́ется./ Кля́тва Господня́ в домо́х нечестивых,/ двори́ же пра́ведных благословля́ются./ Господь го́рдые проти́вится, смире́нным же даёт благода́ть.

Притчей чтение (глава 9):

Премудрость созда́ Себе́ дом и утверди́ столпо́в седмь./ Закла́ Своя́ же́ртвенная, и раствори́ в ча́ши Своёй вино́, и угото́ва Свою́ трапéзу./ Посла́ Своя́ рабы́, созыва́ющи с вы́соким пропове́данием на ча́шу, глаго́лющи:/

иже есть безумен, да уклонится ко Мне; / и требующим умá рече: / приидите, ядите Мой хлеб, и пийте вино, еже растворих вам. / Оставайте безумие, и живи будете, / и взыщите разума, да поживете и исправите разум в ведении. / Наказуяй злыя, примет себе безчестие; / обличаяй же нечестиваго, опорочит себе, обличение бо нечестивому раны ему. / Не обличай злых, да не возненавидят тя. / Обличай премудра, и возлюбит тя. / Дажь премудрому вину, и премудрший будет. / Сказуй праведному, и приложит приимати. / Начало премудрости страх Господень, / и совет святых разум. / Разумети бо закон, помысла есть благаго. / Сим бо образом многое поживеши время, / и приложатся тебе лета живота.

**На стиховне стихиры предпразднства, глас 5.
Самоподобен:**

Радуйся, живоносный Кресте, / благочестия непобедимая победа, / дверь райская, / верных утверждение, / Церкви ограждение, / иже тля разорися и упразднися, / и попрося смертная сила, / и вознесохомся от земли к Небесным; / оружие непобедимое, / бесов сопротивоборче, / слава мучеников, / преподобных яко войстину удобрение, / пристанище спасения, // даруяй миру велию милость.

Стих: Возносите Господа Бога нашего // и поклоняйтесь подножию ногу Его, яко свято есть.

Радуйся, Господень Кресте, / иже разрешися от клятвы человечество, / сущия радости знамение, / прогоняяй враги во твоём воздвижении, всечестне, / нам помощниче, царей державо, / крепость праведных, / священников благолепие, / воображаемый, и лютых избавляяй, / жезл силы, иже пасемся, / оружие мира, егоже со страхом обстоят Ангели, / Христа Божественная слава, // подающаго миру велию милость.

Стих: Бог же, Царь наш прежде века, // содела спасение посреде земли.

Радуйся, слепых наставниче, / немощных врачу, / воскресение всех умерших, / воздвигнувый ны, во тлю падшия, / Кресте честный, / иже разрушися клятва, и процветет нетление, / и земнии обожихомся, / и диавол всеконечно низвержеся. / Днесь воздвизаема тя

видяще рука́ми архиере́йскими,/ возно́сим Вознесе́наго посреде́ тебе́ / и тебе́ покланя́емся, // почерпа́юще бога́тно ве́лию ми́лость.

Сла́ва, обновле́ния, глас 2. Анато́лиево:

Обнове́ние соверша́юще всесвяще́ннаго хра́ма Твоего́ Воскресе́ния,/ Тебе́ сла́вим, Го́споди, освяти́вшего сего́,/ и соверши́вша самосоверше́нною Твоею́ благода́тию,/ и крася́щагося в нём свяще́нствуемыми от ве́рных / та́инственными и свяще́нными же́ртвами,/ и прие́млюща от рук раб Твои́х / безкро́вныя и пречи́стыя же́ртвы,/ воздава́юща же пра́во принося́щим // грехо́в очище́ние и ве́лию ми́лость.

И ны́не, предпра́зднства, глас то́йже:

Боже́ственное сокрови́ще, в земли́ крýемое,/ Жизнода́вца Крест,/ на небесе́х показáся царю́ благочести́вому,/ и победы́ на враги́ подписа́ние являет разу́мно;/ его́же ра́достно ве́рою и любо́вию боже́ственно восте́к к высоте́ зрeния,/ тща́нием же того́ от земны́х недр изнесе́, // во избавле́ние ми́ра и спасе́ние душ на́ших.

Тропа́рь обновле́ния, глас 4:

Якоже в́шния твёрди́ благоле́пие,/ и ни́жнюю спокáзaл еси́ красоту́ свята́го селeния сла́вы Твоея́, Го́споди,/ утверди́ си́е во век ве́ка / и приими́ на́ша в нём непреста́нно приноси́мая Тебе́ моле́ния, Богоро́дицею, // всех Животе́ и Воскресе́ние.

Сла́ва, му́ченика, глас то́йже:

И пра́вом прича́стник,/ и престо́лом наме́стник апо́столом быв,/ дея́ние обрeл еси́, богодухнове́нне,/ в видeния восхо́д;/ сего́ ра́ди сло́во и́стины исправля́я,/ и ве́ры ра́ди пострада́л еси́ да́же до кро́ве,/ священно́му́чениче Корни́лие,/ моли́ Христа́ Бо́га, // спаст́ся душáм на́шим.

И ны́не, предпра́зднства, глас то́йже:

Животворя́щий Крест Твоея́ блага́сти,/ его́же дарова́л еси́ нам недосто́йным, Го́споди,/ Тебе́ прино́сим в моли́тву:/ спаси́ лю́ди и град Твой моля́щийся, Богоро́дицею, // Еди́не Человеколю́бче.

НА УТРЕНИ

По 1-м стихословии седáлен, глас 4.

Подобен: Скоро предварі:

Вся просветі прише́ствием Христо́с,/ мир обнові Ду́хом Божественным Своим,/ ду́ши обновля́ются, дом бо возложіся ны́не во сла́ву Господню,/ иде́же и обновля́ет ве́рных сердца́ Христо́с, Бог наш,/ во спасе́ние челове́ков.

Сла́ва, и ны́не, то́йже.

По 2-м стихословии седáлен, глас 4.

Подобен: Скоро предварі:

Пра́зднственный днесь обновле́ний, ве́рнии, день дости́же нас,/ повелева́ющий избра́нию Христо́ву всем обновітися/ и све́тлым лицем пе́сни Влады́це из глубины́ се́рдца воспети́ ве́рно,/ я́ко Иза́вителю и нас обновля́ющему.

Сла́ва, и ны́не, то́йже.

Кано́ны три: обновле́ния, со ирмосом на 6, предпра́зднства на 4, и свята́го на 4.

Кано́н обновле́ния, творе́ние Иоáнна Мона́ха. Глас 4.

Песнь 1

Ирмо́с: *Моря́ чермную́ пучину́/ невла́жными стопа́ми/ дрэ́вний пешешествовав Изра́иль,/ крестообра́зными Моисе́овыма рука́ма// Амалікову́ сі́лу в пусты́ни победі́л есть.*

Сто́лпом путево́дяй дрэ́вле избра́ннаго Изра́иля,/ ба́нею креще́ния, Христо́е, в Сио́не насади́л еси́ Це́рковь, зову́щу:/ воспой́м песнь Бо́гу на́шему.

Днесь непристу́пныя Твоея́ сла́вы прише́ствие,/ и́же на земли́, водруже́нный Тебе́ храм Не́бо устро́и,/ в нём же согла́сно воспой́м песнь Бо́гу на́шему.

Не зако́ном Це́рковь, Го́споди, украша́ется,/ ни ра́бских просте́ртием рук,/ но, Креста́ благода́тию хва́лящися, поёт Тебе́:/ воспой́м песнь Бо́гу на́шему.

Богоро́дичен: **Безсе́менно, О́тчею волею, от Божественнаго Ду́ха/ Бо́жия зачала́ еси́ Сы́на и плоти́ю породила́ еси́,/ из Отца́ безма́терня и нас ра́ди из Тебе́ безо́тча.**

**Ин канон предпразднства
по алфавиту без Богородичнов. Иосиф. Глас тойже.**

Песнь 1

Ирмос: *Тристаты крепкия, / Рождейся от Девы, / безстрастия во глубинѣ / души тричастное потопи, молюся, / да Тебѣ, яко в тимпане, / во умерщвлении телесѣ // побѣдное воспою пѣние.*

Веселися, Небо, и землѣ, радуйся: / пресвятый бо Крест происходит, / освящая ны благодатию, сего целующия, / яко источника святыни и всех обожения вину.

Шествовати благочестно небесную стезю / укрепи нас, пресвятый Кресте, верно поклоняющияся тебѣ, / яко да противных уклоньшеся пропастей, / общницы Божественныя славы будем.

Знанны Творцу тобою бывше, всечестный Кресте, / сердцем и душою объемлем, всегда ты предлежаща зряще, / и умом просвещаемся, всевиновное Слово славяще.

Богородичен: Град Бога Всецаря, благоприятное сокровище честное, Богородице Всенепорочная, / сохрани Твой жребий, всегда благохвалящий Тя / и почитающий верою Рождество Твое.

Ин канон святаго, егоже краегранесие:

Чудес твоих славу пою, блаженне. Иосиф. Глас 5.

Песнь 1

Ирмос: *Коня и всадника в море Чермное, / сокрушаяя брани мышцею высокою, / Христос истрясѣ, / Израиля же спасѣ, // побѣдную песнь поюща.*

Сие твое светочное и божественное успение, / и пресветлую память, и священное торжество торжествующия / молитвами твоими просвети, иерарше богоблаженне.

Явился еси и прежде совершеннаго, мудре, таинств навичения / милостынями и молитвами, Корнилие, упражняйся, всеблаженне, / и всех Господа мыслиица правостию.

Законов спасительных яве научился еси / плоти Соединившагося крайняя ради благости, / апостолов верховному манием Владычним, блаженне, научившу тя.

Богородичен: Распалѣеши вѣрныхъ сердца присно славити Тя несбытною любовию,/ Богородительнице Владычице:/ слава бо еси человеков,/ рождшая славы Господа, Чистая.

Катавасия: Крест начертав:

Песнь 3

Ирмос: Веселится о Тебе Церковь Твоя, Христе, зовущи:/ Ты моя крепость, Господи, // и прибежище, и утверждение.

Освятил еси на земли Церковь Твою, Христе, Духом,/ помазав сию днесь/ Твоего радования елеем.

Явил еси, Блаже,/ рукотворенную скинию днесь паче ума,/ славы Твоея строительно бывшее жилище.

Основание Тя, Христе, Церковь нерушимо имущи,/ Твоим Крестом венчается,/ якоже царскою диадимою.

Богородичен: Ты едина на земли/ паче естества благихъ Ходатаица, Мати Божия, была еси:/ темже Тебе, еже радуясь, приносим.

Ин

Ирмос: Не мудростию и силою и богатством хвалимся,/ но Тобою, Отчею Ипостасною Мудростию, Христе:// несть бо свят паче Тебе, Человеколюбче.

Славу Христову ты, бывающую верою, славим,/ прославляеми твоим, преславне Господень Кресте, честнымъ объятием/ и просвещаеми.

В веселии пришедше, вернии,/ почерпем, яко от источника чиста, Креста, присноживущия воды/ и спасаеми, Бога восхвалим.

Жизнь сый Иисус, повешен, умертвися на Древе крестнем,/ егоже ныне верно объемлюще,/ страсти отгоняем, смерти ходатаи.

Богородичен: Явившись, души моея тьму отжени,/ греховныя узы, Чистая Дево, расторгни/ и спаси мя, рождшая Всещедраго.

Ин

Ирмос: Водрузивый на ничесомже землю повелением Твоим/ и повесивый неодолимо тяготеющую,/ на недвижимем, Христе, камени заповедей Твоих// Церковь Твою утверди, Едине Блаже и Человеколюбче.

**Святаго просвещѣние приял еси Духа/ и Божѣст-
венную благодать от божѣственных уст, всю приѣм
вседомовно/ божѣственного верховнаго апостола при-
шѣствием,/ возвещающаго спасительна учѣния.**

**Возвысився добродѣтелями, яко кедр высокораст-
ный,/ и плоды благовонны нам израститъ, учѣний по-
дание,/ благодать чудес и исцелѣний дѣйство,/ блаженне
иерарше Корнилие.**

**Величайшаго сподобився благославія, Корнилие,/
с верховным и иными многими,/ потѣкл еси, пропо-
ведуя всюду проповѣдание божѣственное,/ ѣмже мы
просвещаемы, тмы неведѣния избавихомся.**

**Богородичен: Чистоты световидное была еси селе-
ние,/ Светодателя носивши воплощѣема,/ Человека
явившася по нам за человеколюбіе и тлю разоривша,/
Пречистая Дѣво Богоневѣсто, нетленное человекоев воз-
званіе.**

Кондак, глас 4.

Подобен: Явился еси:

Нѣбо многосвѣтлое цѣрковь показася,/ вся про-
свещающая верныя, в нейже стояще, зовѣм:// сей
дом утверди, Господи.

Тѣже седален, глас 8.

Подобен: Повелѣнное:

**Свидѣтельства скінию Христос показа,/ и божѣст-
венный Моисей на земли водрузи,/ и храм обновляет
Соломон в жертвах,/ мы же, к новому Иерусалиму
верою прибегающе,/ давидски дадим божѣственное
воспѣваніе Распеншемуся нас ради,/ просяще прощѣ-
нія всех, ѣмиже согрешихом.**

Слава, святаго, глас 4.

Подобен: Явился еси:

**Начаток святый тя Цѣрковь от языкъ прият,/ просве-
щающаго сию добродѣтельными твоими деяньми,/
священнотайниче богомудре Корнилие.**

И ныне, предпразднства, глас тойже.

Подобен: Удивися Иосиф:

**Простер Моисей руки к высотѣ небесней,/ прообразо-
ваше Крест, Божѣственное оружіе верных,/ на немже
Христос грехи пригвозди./ Тем враг плакаше, страждѣ**

болѣзненно чѹвствы, глаголаше:/ деревяное мя копие
прободѣ посреде сѣрдца моего./ Христосъ вся от адскихъ
узъ решитъ.

Песнь 4

Ирмосъ: Вознесѣна Тя видѣвши Цѣрковь на Крестѣ,/
Сблице праведное,/ ста в чинѣ своемъ,/ достойно вызы-
ваючи:// слава силѣ Твоей, Господи.

Не жертвами безсловесныхъ Цѣрковь,/ но Твоею
честною из ребр живоносною Крѣвию окропляется,/
лѣпотно зываючи:/ слава силѣ Твоей, Господи.

Селѣния Господня возлюбленная/ желаящимъ видѣти
откровенно славу лица Его/ согласно зовутъ:/ слава силѣ
Твоей, Господи.

Образуючи помазание, Цѣрковь избранныхъ лю-
дей Твоихъ/ многоцѣннымъ миромъ днесъ помазуется,/
Божественную Дѹха благодать невидимо приѣмлючи.

Богородичен: Неискусобрачно родила еси, о Дѣво,/
и по рождествѣ явилася еси дѣвствующи паки,/ тѣмже
немолчными гласы: еже радуйся,/ Тебѣ, Владычице,
вѣрою несумнѣнною зовѣмъ.

Ин

Ирмосъ: Любвѣ ради, Щѣдре, Твоего образа/ на Крестѣ
Твоемъ стал еси,/ и растаяшася языцы:/ Ты бо еси,
Человеколюбче, // крѣпость моя и хвалѣние.

Солнцезраченъ видится/ покланяемый от вѣрныхъ
человѣковъ Крестъ Господень,/ егѣже целующе, душами
просвещаемся.

Богъ Господь, воплощаемъ явися/ и возвысився на
Дрѣве,/ тому покланяющияся просвещаетъ,/ присно
от лютыхъ избавляяй.

Очищѣние намъ и оставлѣние согрѣшеній,/ Слово
Божий, подаждь,/ вѣрно покланяющимся днесъ/ пред-
лежащему Кресту Твоему честному.

Богородичен: Не истощивъ Отѣческихъ недръ,/ Слово в
Твоихъ нѣдрехъ, Отроковице,/ восклонися, яко Младенецъ,
хотя обновити мя, тли подлежащаго.

Ин

Ирмосъ: Божественное Твое разумѣв истощание/ про-
зорливо, Аввакумъ, Христѣ, со трѣпетомъ вопияше Тебѣ:/
во спасѣние людей Твоихъ, // спасти помазанныя Твоя
пришелъ еси.

Ду́ха благода́ть при́йм, / **якоже** со́лнце светоза́рное,
зе́млю проше́л еси́, **Корни́лие**, / **отгоняя** тьму идо́ло-
нействовства, **прехва́льне**.

Яко вели́ка река́, **исходя́**, / **все** лице́ земли́ **напая́еши**
боже́ственными учи́нии, / **и плéвелы** **подавля́я** **многобó-**
жия, **Корни́лие**.

Мертв **всему́** **ми́ру** **быв**, / **Умерщвлéннаго** **нас** **ра́ди**
Божéственного **воста́ние** / **всем** **страстьми́** **умéршим** **воз-**
вестил **еси́**, / **Корни́лие** **всблажéнне**.

Богорóдичен: **Му́дрости** **чи́стое** **обителище** **О́тчия** /
преестéственно, **Чи́стая** **Де́во**, **была́** **еси́**, / **Ею́же** **мы**
зло́бы **ны́не** **хитреца́** **изба́вихомся**.

Песнь 5

Ирмо́с: **Ты**, **Го́споди**, **мой** **Свет**, / **в** **мир** **прише́л** **еси́**, /
Свет **святы́й**, **обраща́яй** **из** **мра́чна** **неве́дения** // **ве́рою**
воспева́ющия **Тя**.

Ты **дре́вле** **на** **Сина́и** / **ски́нию** **нерукотворéнную** **по-**
каза́л **еси́** **боговидцу** **Моисе́ю**, / **пропису́я**, **Христé**,
Цéрковь **Твою́**.

Ты, **Го́споди**, **ски́нию** **на** **земли́** **устро́ил** **еси́**, / **Ты** **чи-**
но́м **Небе́сным** **челове́ков** **ликостоя́ния** / **сочетава́еши**
си́лою **Твое́ю**.

Тя, **Го́споди**, **исто́чник** **жи́зни** **вэмы**, / **Ты**, **Свя́те**, **мир**,
прише́д, / **благовестил** **еси́**, **Христé**, **Цéрки** **Твое́й**.

Богорóдичен: **Тя** **ору́жие** **твёрдое** **на** **враги́** **предла-**
га́ем, / **Тя** **державу** **и** **наде́жду** **на́шего** **спасéния**, **Бого-**
неве́сто, **стяжа́хом**.

Ин

Ирмо́с: **Просвещéние** **Твое́**, **Го́споди**, **низпосли́** **нам** /
и **от** **мглы** **прегрешéний** **разрешí** **ны**, **Бла́же**, // **Твой** **мир**
да́руяй.

На **стра́сти** **укрепи́** **нас** **тлетво́рныя**, / **тя** **почита́ю-**
щих **и** **целу́ющих**, **честны́й** **Крэ́сте**, / **святы́я** **Стра́сти**
святéйшее **зна́мение**.

Просвещéние **днесь**, **сердцы́** **и** **душа́ми**, / **до́брыми**
ви́ды **присту́пим**, **ве́рнии**, / **и** **священно́му** **и** **боже́ст-**
венно́му **Дре́ву** **Креста́** **поклонимся**.

Ме́ррския **ослажда́я** **пре́жде** **во́ды** **Моисе́й**, / **зна́менуя**
дрéвом **тебе́**, **честны́й** **Крэ́сте**, / **имже** **сла́дость** **спаси́-**
тельную **челове́ком** **иска́пал** **еси́**.

Богородичен: За ны помолися Христу́,/ от Твоих чистых кровей, Пречистая Отроковице,/ Плотию вещественною одеянну и земныя обновльшу.

Ин

Ирмос: Одейся светом, яко ризою,/ к Тебе утреннюю и Тебе зову:/ душу мою просвети омраченную, Христе, // яко Един Благоутробен.

Весь возложився Вседержителю,/ глухим кумиром чести не принёсл еси, священнотайнниче,/ от скверноубийственных человек понуждаемь.

Высочайшаго невидимаго Бога, Корнилие,/ в молитвах призвал еси/ и храм низложил еси мерзких кумиров, вельми удивляемь.

Вседержителя храня повеления,/ в темнице узы претерпел еси/ и уз отрешил еси зловерия безумныя, богомудре.

Богородичен: Одожди ми, Пречистая, грехов оставление,/ посети мя, немощствующа/ и влаема напастьми житейскими и страстьми телесными.

Песнь 6

Ирмос: Пожру Ти со гласом хваления, Господи,/ Церковь вопиет Ти,/ от бесовския крове очищися/ ради милости от ребр Твоих // истекшею Кровию.

Доброты Царь Христос возжелá/ ныне избранныя Церкви и языков мать показа,/ от работы сыновоторимых Духом.

Трепещут враждебных демонов полцы,/ Христове Церкви Крестá образом знаменумей/ и осеняемей свящательным Духа осиянием.

Не песок, но Христа основание имущи,/ яже от язык Церковь венчается добротой неприступною/ и диадимую царскою украшается.

Богородичен: О, чудо, всех чудес новее!/ Яко Дева, во утробе вся Содержащаго неискусомужно зачэнши,/ не тесновместй.

Ин

Ирмос: Приидох во глубины морския,/ и потопила мя есть буря многих грехов, // но, яко Бог, из глубины возведи живот мой, Многомилостиве.

Прободён на тебе в рёбра, Зиждитель, Крёсте, вольно повешен, / Кровь и воду источает, / ѓмиже наздахомся, вёрно ты целующи.

Древо Господне жизнодарное, / источник безсмертия, избавление всего мѣра, / спасѣ ны, целующиа ты, ѓко хранителя нашего спасительнаго.

Оружие нам крёпкое показался есѣ, / ѓмже побеждаем вся навѣты противных, божественный Крёсте, / правостию душевною свящѣнно ты целующи.

Богородичен: Святыѣ храм во святѣх Почивающаго / была есѣ, Богородительнице: / тѣмже ны, вёрно поющиа Тя, освящѣши, Дѣво Мати.

Ин

Ирмос: *Неистовствующеся бурею душелѣнною, Владыко Христѣ, / страстѣй море укроти / и от тли возведи мя, // ѓко Благоутробен.*

Чѣсто творя молитвы твоя, / Ангела Божия ѓвственнo видѣл есѣ, / научающа ты лучшая и спасѣнная имущим.

Просветѣвся Духом, светодательная показался есѣ звезда, / светозарными сиянии концы просвещая, / священнотайниче Корнилие.

Познав Господа славы, ѓже лѣстию прѣжде помрачен, / прозираѣши, блаженне, молитвою твоєю / и вседомовно приѣмлѣши Божественное очищѣние.

Богородичен: Славы Господь от кровей Твоих девственных воплотѣся, / Един, ѓко вѣсть, Всепѣтая, / спасаѣ ны блѣгостию.

Кондак, глас 2.

Подобен: Твёрдыя:

Обновлѣния дѣха в сердцах / и просвещѣние внутренним даруй / вѣрою совершающим свящѣнная обновлѣния храма дому Твоего, / емуже благоволил есѣ создѣтися в Твое Божественное ѓмя, // Едине во святѣх Прославляемый.

Ѓкос:

Памѣть совершаѣя обновлѣний, / мудрѣйший дрѣвле Соломон Богу / живётных безсловѣсных приношаше все-созжѣния и жѣртвы, / егда же ныне Истина и Благодѣть приѣде на зѣмлю, / жѣртвы ѓбие прѣложѣ, жѣртвовав Жѣртву на спасѣние наше в Себѣ, ѓко Человеколюбец. /

Цѣрковь освятї и непоколебїму сїю покажї,/ Едїн во святыхъ Прославляемый.

Песнь 7

Ирмос: *В пещї авраамстїи отроцы персїдстей,/ любовїю благочестїя паче,/ нежели пламенем, опаляеми, взываху:// благословен еси в храме славы Твоея, Господи.*

Росодательный убо пещный пламень показася древле,/ ныне же от елеа помазание духовное освящает зовущия:/ благословен еси в храме славы Твоея, Господи.

Яко в пещи богоприятней, новей сей скїнии,/ вси, иже от Израїля духовнаго, орошаеми, взываем:/ благословен еси в храме славы Твоея, Господи.

Уязвленнии сладчайшим божественным желанием, приидите,/ в чертозе сем царством счѣтаемся Жениху Христу:/ благословен еси в храме, зовуще, славы Твоея, Господи.

Богородичен: *Вышняго освященное Божественное селение, радуйся:/ Тобою бо дадѣся радость, Богородице, зовущим:/ благословенна Ты в женах еси, Всенепорочная Владычице.*

Ин

Ирмос: *Юноши три в Вавилоне,/ веление мучителево на буйство преложше,/ посреде пламене вопияху:/ благословен еси, Господи, // Боже отец наших.*

Древле в благословенныхъ детѣй Иаков тя проначертá, честный Кресте,/ но мы тя ныне покланяющесе чтим,/ просвещение почерпающе.

Глаголы прияша конецъ ныне/ божественныхъ пророков, Кресте священнейше:/ всех бо Господь на тебе возвысися,/ вся от тли избавляя.

Усты ты и сердцем, всечестный Кресте, ныне объемлюще,/ освящение, здравие и спасение всегда почерпаем,/ души же и телесе.

Богородичен: *Дѣво Благословенная, молися о нас, молящихся Тебѣ,/ на Тя бо надеемся вси и Тебѣ вопиѣм:/ Владычице, не презри паствы Твоея.*

Ин

Ирмос: *Превозносимый отецъ Господь/ пламень угасї, отроки оросї,/ согласно поющия:// Боже, благословен еси.*

Ты языков начáток был еси́, Корни́лие,/ пёрвый бо крещёние при́ял еси́ свято́е и Ду́ха благодáть,/ я́ко прёжде богоглаго́ливи.

Велича́йшая чудеса́ соверша́я Божёственною благода́тию,/ к вёре улови́л еси́ дрёвле зломудрствующия,/ научáя воспевáти: Бóже, благословён еси́.

Вземли́ крýем и купино́ю покровён,/ божёственными сказа́ньми, му́дре,/ яви́лся еси́ чудес то́ча благодáть и недúги отгоня́я.

Цевни́це, сладковоспёвшая учёния спаси́тельная/ и всех, Корни́лие, ду́ши услажда́ющая,/ показáлся еси́, воспевáя: Бóже, благословён еси́.

Трóичен: **В**си Трипостáсную Едини́цу да просла́вим:/ Отца́ Пребезнача́льнаго, Сы́на Единосу́щнаго и Ду́ха Свята́го,/ песнопóюще: Бóже, благословён еси́.

Богорóдичен: **Я**ви́лася еси́ челове́ческое смешёние обоживши божёственным Тво́им Рождество́м,/ Дёво Всенепорóчная./ Тем Тя по до́лгу, вёрнии, славослóвим.

Песнь 8

Ирмо́с: **Р**у́це распротёр, Дани́ил/ львов зия́ния в ро́ве затче́,/ о́гненную же си́лу угаси́ша,/ добродётелию препоя́савшеся,/ благочёстия ра́чители, о́т-роцы, взывáюще:// благослови́те, вся дела́ Господня́, Го́спода.

Днесь ри́зою умною, свёше истканною от Божёственныя благода́ти,/ Цёрковь Тво́я, Го́споди, я́коже неvéста, украси́ся/ и свой созывáет к весёлию лю́ди, во ё́же пёти:/ благослови́те, вся дела́ Господня́, Го́спода.

Днесь вторый́ Ада́м, Христóс, показá рай мы́сленный,/ но́вую си́ю ски́нию,/ принося́щую вмёсто дрёва знáния живонóсное Крестá ору́жие, пою́щим:/ благослови́те, вся дела́ Господня́, Го́спода.

Трóичен: **О**тца́ Безнача́льнаго Тя, Сы́на, и Ду́ха Свята́го,/ Едино́ Божество́, совершённо, безнача́льно,/ несекóмо, единосу́щно, неслитно,/ во Ипостáсах трех чту́ще, поём:/ благослови́те, вся дела́ Господня́, Го́спода.

Богорóдичен: **Т**ы едина́ во всех ро́дех, Дёво Пречи́стая,/ Ма́ти Бóжия показáлася еси́./ Ты Божества́ была́ еси́ обита́лице, Всенепорóчная,/ не опали́вшись огнём

неприступнаго Свѣта./ Тем вси Тя благословимъ, Маріе Богоневѣсто.

Ин

Ирмос: *Избавителю всех всесильне,/ посреде пламене благочествовавшия,/ снизшед, оросил еси/ и научил еси пѣти:// вся дела, благословите, пойте Господа.*

Спасительному оружию и нерастѣрзному,/ верных готовой помощи, крепкому защищенію,/ Кресту Господню ныне поклонимся, пред всеми предлежащу.

Высоце на древе возвеси вопреки змѣя, яко писася, Моисей,/ прописуя тя, всечестное Древо,/ имже прелести мысленных змѣев избавляемся.

Свещеніе душ наших еси, светодавче Кресте всечестне:/ ты бо объемлюще, начала тьмы же и власти отражаем/ Божественною твоєю силою.

Богородичен: Чистую и Дѣву почитимъ,/ безначальное Слово и несозданное преестѣственно рождшую в наше спасеніе,/ пѣсенно вопиюще: благословимъ, Дѣво, Рождество Твое.

Ин

Ирмос: *Тебѣ, Вседѣтелю,/ в пещи отроцы, всемирный лик сплѣтше, пояху:/ дела всякая, Господа пойте// и превозносите во вся вѣки.*

Единаго от душ на земли явльшагося Бога взыскал еси/ ума правостию:/ тем был еси начаток, богоносне, языков честный и Духа пріятелище.

Углием твоихъ, блаженне, огненныхъ словесъ вещество пожегл еси суетства:/ тем к Свѣту невечернему прешел еси,/ вся озаряя любовью, ты поющія.

Жребий, и часть, и помощь, и Избавитель,/ крепость же и хвала, и свет тебѣ бысть Слово,/ вся призывающее из не сущаго,/ и руководство, Корниліе богомудре.

Троицен: Святый Отче, Святый Слове, Всесвятый Душе несозданне,/ Троице нераздельная,/ спаси любовьию поющія Твою державу,/ и царство, и величество.

Богородичен: Излей на ны Твоя милости обычно, Отроковице,/ и испроси нам, Чистая, прощѣніе всех прегрешеній,/ в веденіи же и неведеніи и от невниманія нам прилучшихся.

Песнь 9

Ирмос: *Камень нерукосечный/ от несекомья горы,
Тебе, Дево,/ краеугольный отсечеса,/ Христос, со-
вокупивый разстоящаяся естества.// Тем веселящися,
Тя, Богородице, величаем.*

**Приидите, чистым сердцем и трезвенными умными
очесы/ Царевы дщере, Церкви, красоту, паче злата све-
тящуюся,/ зряще, величаем.**

**Радуйся и веселися, невесто Царя Великаго,/ зрящи
светло твоего Жениха красоту,/ с людьми твоими зо-
вущи:/ Тя, Жизнодавче, величаем.**

**Еже с высоты изящество, Спасе, Церкви Твоей по-
даждь:/ иного бо не весть, разве Тебе,/ за нюже Твою
древле душу положшаго,/ в познании величающую.**

Богородичен: *Радуйся, обрадованная Невесто Царя
Великаго,/ яко Тобою от клятвы Евины вси, Чистая,
избавихомся/ и жизнь обретохом в Рождестве Твоем,
Неневестная.*

Ин

Ирмос: *Рождество Твое нетленно явися:/ Бог из боку
Твоею пройде,/ яко Плотносец явися на земли/ и с че-
ловеки поживе.// Тя, Богородице, тем вси величаем.*

**Христос, на тебе повешен, мир возвыси, падший по-
гибели во глубину,/ истинно Кресте Господень:/ темже
тебе любовьию ныне поклоняемся, и чтим, и славим.**

**Души да очистим и сердца/ добрыми едиными дея-
нии/ и, подлежащее посреде спасительное зряще
Древо Креста,/ верою и любовьию богомудренно по-
клонимся.**

**Яко солнце великое, блистаньи твоими озаряеши
сущия во тьме/ и демоны поपालяеши, краснейший
Кресте./ Темже вопием:/ просвети вся верою покла-
няющияся тебе.**

Богородичен: *Светом мя озари Божественным, Света
приятелище, Дево,/ страстей моих тьму и сластей глубо-
чайшую истинно ночь,/ Богородительнице Всесвятая,
отгонящи.*

Ин

Ирмос: *Исаие, ликуй,/ Дева име во чреве и роди Сына
Еммануила,/ Бога же и Человека,/ Восток имя Ему,//
Егоже величающе, Деву ублажаем.*

Ко священному торжеству Церковь вся собирает в память твою честную, / проповедниче Христов: / ты бо равностоятель святых явился еси учеников, / Духа Святаго, яко онъ, наследовав.

Украсился еси догматы благочестия, яко священноделатель, / уподобился еси Божиим божественным служителем: / точиши же врачевств всегда, блаженне, реки, / отгоняя недуги человеков, Корнилие священнейший.

Украсився ризою спасительною, / юже Христос истка, воплотився, / ныне прерадостно вышняя царства обходиши, / зря чисто доброту недомысленную Женихову, достославне.

Честная рака твоя, / яко источник, точит верным врачевства обильно, / и отгоняет, Корнилие, духи лукавыя, / и просвещает всех очеса, верою благохвалящих тя.

Богородичен: Просвещение ми испроси, / рождающая Свет, от Света возсиявший, / омрачение далече от мене отгоняющи и сладей, и искушений, / Пречистая Владычице, Предстательнице непостыдная.

Светилен обновления.

Подобен: Духом во святилице:

Юже пречистою Кровию искупил еси, Слове, / всечудную и всечестную и Святую Церковь обновил Духом, Блаже, / и удобри зарями божественнейшими, славою прославляя / достойно Твоего храма обновление совершающих.

Слава, и ныне, предпразднства.

Подобен тойже:

Светодательными сияньми Крест Господень, в того вознесение, / вся любовьию божественною, предлежа, призывает: / приидите, сего вси радостию, и любовьию, и страхом целуем верно / и прославим Единого Творца и Владыку.

На хвалитех стихиры обновления на 6, глас 4.

Подобен: Дал еси знамение:

Днесь божественный, / и священней, и честней Христова Воскресения / светло обновляется светоносный дом, / и дает миру Гроб / Божественный Живот, /

и вручаёт источник безсмертный, / точит струй благодати чудес, / обилует воды, и дарует исцеления // того верою поющим.

Воссия свѣше световидная заря, сияючи / и вся просвещаючи; / верно ўбо почтѣм Христа Содетеля Воскресение вси / и обновлений священных живонное / божественное торжество, / в пѣснях воспрáзднуим / и во псалмѣх воскликнем, / яко да мѣлостива обрящем // Спáса и Гóспода.

Посредѣ земли возносима / предувидети желающе / Крестá скиптр святѣй, / дѣши предочѣстим и озарѣм разумы, / свѣтом просвещающесе; / и, сѣлою Божественною облистáемѣ, Христа воспойм, / Дрѣвом честнѣм Егó священие подающаго / верою взывающим // и тѣпле Тогó поющим.

Ины стихѣры, глас 1, самогласны.

Иоáнна Монáха: Обновляйся, обновляйся, нóвый Иерусалиме, / прииде бо твой свет, и слава Господня на тебе возсия: / сей дом Отец созда, / сей дом Сын утверди, / сей дом Дух Святѣй обновѣ, // просвещаяй и утверждааяй и освящаяй дѣши нáша.

Анатóлия: Дрѣвле ўбо обновляя храм, Соломóн / безсловесных живóтных жѣрты / и всесожжѣния принесѣ, Гóсподи. / Егда же благоволил еси, Спáсе, / образóм ўбо упразднитися, познатися же истине, / безкровныя жѣрты рóди человечестии приносят славе Твоѣй, / всеми бо владычествуй, // всяческая освящáеши Святѣм Дѣхом.

Глас 4. Иоáнна Монáха:

Обновляется днесь яже от язык Цѣрковь / честною и животóчною Крóвию от пречѣстных и нетлѣнных ребр / воплощагосѣ от Святѣя Дѣвы / Христа, Бóга нáшего. / Тѣмже, собравшесе верных лицы, / прославим Отцá и Сýна и Святáго Дѣха, // Едино Божество, содержащее всяческая.

Слава, глас 3. Самогласен:

К себѣ восходи, человече, / буди нов вмѣсто вѣтхаго / и души прáзднуй обновлѣния, / дóндеже время жития; / да обновляется тебѣ всякаго жития путь, / дрѣвняя бо преидóша, се бѣша вся нóва. / Сие прáзднику

плодопринеси,/ добрым изменением изменяем:/ сице обновляется человек,// тако чтится обновлений день.

И ныне, предпразднства, глас тойже, Иоанна Монаха:

Христэ, Бóже наш, вольное Твое распятие/ во общее воскресение рода человеческого восприемый/ и трóстию Крестá обагрением червлёным Твоя персты окровавивый,/ оставительная нам царски подписати человеколюбствовав,/ не презри нас, бédствующих,/ и паки еже от Тебé разстояния./ Но ущэдри, Едино Долготерпеливе, сущия во обстоянии люди Твоя/ и востáни, побори борюция ны,// яко Всесíлен.

Славословие великое и отпу́ст.

НА ЛИТУРГИИ

Блаженны от канона Обновления, песни 3-я и 6-я. Прокíмен, глас 4: Дóму Твоему подобает святýня, Гóсподи,// в долготу дний. Стих: Гóсподь воцарíся, в лéпоту облечéся. Апóстол ко Еврéем, зачáло 307. Аллилу́ия, глас 2: Основáния егó на горáх святýх. Стих: Преслáвная глаголашася о тебе, граде Бóжий. Евáнгелие от Матфéя, зачáло 67. Причáстен: Гóсподи, возлюбíх благолéпие дóму Твоегó и мéсто селéния слáвы Твоея. Аллилу́ия, трíжды.

Вéдомо же бóди и сие:

ЗРИ

Аще прилучится Воздв́жение честнаго Крестá в Недéлю.

В суббóту же пред Воздв́жением на Литургии: прокíмен и аллилу́ия обновления е́дин, а прокíмен суббóты пред Воздв́жением оставляется. Апóстол же и Евáнгелие чтётся прэжде обновления и потóм суббóты пред Воздв́жением. Причáстен обновления. Рядовый же апóстол и Евáнгелие вычитáем напредí, а Недéли пред Воздв́жением чтётся апóстол и Евáнгелие в мимошэдшую Недéлю.

Подобáет вéдати: яко аще случíтся обновления, 13-й день, в Недéлю:

Оставляется слóужба святаго Корни́лия, и поётся, егда рассудит еkkлисиáрх. Поётся же воскресная слóужба со обновлением и с предпразднством честнаго Крестá.

На мáлей вечерни: Стихíры воскресны, и Богорóдицы, по обычаю. Тропáрь воскресен. Слáва, и ныне, Богорóдичен.

На велицей вечерни: Блажён муж, кафíзма вся. На Гóсподи, воззва́х: стихíры воскресны 3, и Анатóлиева е́дина, и обновление 3, и Крестá 3, глас 5. Подобен: Рáдуйся: пíсаны на стихóвне. Слáва, обновления. И ныне, Богорóдичен 1-й глása. Вход. И чтéния 3, обновления. На литии стихíра хрáма, и обновления

М

хвалитныя, глас 1: Обновляйся, обновляйся: и глас 4: Обновляется днесь: глас тойже: Посреде земли возносима:

Слава, глас 5:

Иже в недрах Отческих/ препочиваяй, Слове,/ Духом Твоим Святым обнови храм, // иже во имя Твое воздвиженный.

И ныне, глас 6: Днесь Древо явися: На стиховне стихиры воскресны гласа. Слава, глас 2: Обновление совершающе: И ныне Креста, глас тойже: Божественное сокровище: На благословении хлебов, тропарь Богородице, Дево: дважды. И обновления, единожды. И чтение в Посланиях апостольских.

На утрени: На Бог Господь, тропарь воскресен, дважды: Слава, обновления: И ныне, Креста. По кафизме, седальны воскресны. Слава, и ныне, обновления; Богородичны же оставляются. И чтение во Евангелии, Неделя пред Воздвижением. По непорочнах ипакоей. И чем во Евангелии Неделью рядовую. Степенна, и прокимен гласа. Всякое дыханье: Евангелие воскресное. Воскресение Христово: и псалом 50-й. Стихира воскресна. Канон воскресен со ирмосом на 4, и Богородицы на 2, и обновления на 4, и Креста на 4. Катавасия: Крест начертав: По 3-й песни кондак и икос обновления и седален. Слава, и ныне, Креста. И чтение. По 6-й песни кондак воскресен и икос. И пролог. На 9-й песни поем Честнейшую: Светилен воскресен. Слава, обновления. И ныне, Креста. На хвалитех стихиры воскресны 4, и обновления, глас 4. Подобен: Дал еси знамение: две, и самогласны две, глас 3: К себе восходи, человече: Другий: Христе Боже наш: Первый припев: Дому Твоему подобает святыня, Господи, // в долготу дней. Другий: Господь воцарися, // в лепоту облечеса. Слава, стихира евангельская. И ныне: Преблагословенна еси, Богородице Дево: Славословие великое. Тропарь воскресен, и ектений, и отпуст, и оглашение; и обычное исхождение в притвор, и час 1-й.

На часех тропарь воскресен. Слава, обновления. И ныне, Богородичен часов. По Отче наш: кондак воскресен, и обновления, глаголем прменяюще.

На Литургии: Блаженна воскресна гласа на 6, и обновления песнь 3-я, на 4. По входе тропарь воскресен, и обновления, и Креста. Кондак воскресен. Слава, и ныне, обновления. Прокимен, апостол, аллилуия и Евангелие прежде Недели пред Воздвижением, и ряд под зачало, таже обновления. Причастен: Хвалите Господа с Небес: и обновления.

Обновление храма Воскресения Христова, построенного Константином Великим в Иерусалиме (335). В этот день воспоминается торжество по случаю обновления и освящения храма Воскресения Христова,

сооруженного святым Константином Великим и матерью его равноапостольной Еленой. Праздник этот еще называется в народе «Воскресением словуцим», то есть он «словет» или «слывет» Воскресением в

отличие от самого праздника Светлого Христова Воскресения.

История сооружения этого храма такова: после вольных страданий и крестной смерти Спасителя, Господа нашего Иисуса Христа, места, освященные Его земной жизнью, нарочито попирались язычниками. Когда римский император Тит в 70 году завоевал Иерусалим, он, как известно, разорил город и разрушил храм Соломона на горе Мориа, не оставив там камня на камне, как это предрек еще Спаситель в беседе с учениками.

Позднее римский император Адриан (117–138), ярый язычник, построил на месте разоренного Титом Иерусалима новый город, назвав его в свою честь Елий-Адриан, и запретил называть город прежним именем. Гроб Господень он велел засыпать землей и камнями и поставил на нем идол Юпитера, а на Голгофе, где был распят Спаситель, построил в 119 году языческий храм, посвященный богине распутства Венере. Перед идолом ее приносились жертвы демонам и совершались всякие развратные действия и обряды. Так было поругано и осквернено святейшее место, где Господь наш, как Агнец Божий, принес себя в жертву за грехи всего мира! В Вифлееме, на месте, где родился Спаситель от Пречистой Девы, нечестивый царь поставил идол Адониса. Все это он делал для того, чтобы люди совершенно забыли о Христе Спасителе и никогда более не вспоминали о тех местах, где Он жил, учил, пострадал и со славою воскрес.

Прошло около 200 лет после этих событий, и на царство вступил Константин Великий (306–337), первый из римских императоров, признавший христианство. Он вместе со своей благочестивой матерью царицей Еленой решил обновить город Иерусалим и на месте страдания и воскресения Господа Иисуса Христа воздвигнуть новый прекрасный храм. Он решил также очистить все связанные с памятью Спасителя места от скверных языческих культов и все их освятить.

Царица Елена отправилась в Иерусалим с большим количеством золота, а Константин Великий написал письмо Патриарху Макарию I (313–323),

в котором просил его всячески содействовать святому делу обновления христианских святынь. Прибыв в Иерусалим, святая Елена уничтожила все идольские капища, очистила весь город от языческих истуканов и освятила его. Она горела желанием отыскать Крест Господа нашего Иисуса Христа. Для этого она приказала раскопать место, где раньше стоял разрушенный по ее приказанию храм Венеры. Там обнаружили засыпанный Гроб Господень и лобное место на Голгофе. Вблизи было найдено три креста и гвозди. Чтобы определить, какой именно из трех крестов принадлежал Спасителю, Патриарх Макарий повелел по очереди возлагать найденные кресты на мертвеца, которого пронесли мимо на место погребения. Как только Крест Христов коснулся мертвеца, он тотчас ожил. Охваченные величайшей радостью царица Елена и Патриарх Макарий высоко подняли животворящий Крест и осенили им весь стоявший вокруг народ.

Царица немедленно приступила к построению великого и обширного храма, который включил в свои стены место распятия Спасителя — Голгофу и Гроб Господень, так как они находились на небольшом расстоянии друг от друга, как об этом свидетельствует святой апостол и евангелист Иоанн Богослов: «На том месте, где Он был распят, был сад и в саду гроб новый, в котором еще никто не был положен; там положили Иисуса ради пятницы иудейской, потому что гроб был близко» (Ин. 19, 41–42).

Здание храма Воскресения строилось 10 лет, и святая царица Елена так и не увидела его оконченным. Возвратившись к сыну, она скончалась в 327 году. За время своего пребывания в Иерусалиме святая царица построила церкви в Вифлееме, на горе Елеонской, в Гефсимании и во многих других местах, связанных с жизнью Спасителя и некоторыми событиями Ветхого Завета. Когда храм Воскресения Христова был вполне закончен, царь Константин Великий повелел собраться епископам всех стран в Иерусалим. Святители прибыли из Вифинии, Фракии, Киликии, Каппадокии, Сирии,

Месопотамии, Финикии, Аравии, Палестины, Египта, из стран Африки и Персии. При большом стечении народа храм был с великим торжеством освящен 13 сентября 335 года, и весь город Иерусалим обновлен и освящен. Сбравшиеся святые отцы

Священномученик Корнилий сотник. Вскоре после Крестных страданий Господа Иисуса Христа и по Вознесении Его на Небо в Кесарии Палестинской поселился сотник по имени Корнилий, ранее живший в Италии Фракийской. Он хотя и был язычником, но отличался глубоким благочестием и добрыми делами, о чем свидетельствует святой евангелист Лука (Деян. 10, 1). Господь не презрел его добродетельной жизни и привел к познанию истины через просвещение светом веры Христовой.

Однажды Корнилий молился в своем доме. Ему предстал Ангел Божий и сообщил, что его молитвы услышаны и приняты Богом, и повелел послать людей в Иоппию за Симоном, называемым Петром. Корнилий тотчас исполнил повеление. Когда посланные шли в Иоппию, апостол Петр стал на молитву, во время которой ему было видение: трижды опускавшийся сосуд в виде большого полотна, наполненного животными и птицами. С Неба он услышал голос, повелевавший съесть все виденное. На отказ апостола последовал ответ: «Что Бог очистил, того ты не почитай нечистым» (Деян. 10, 15). Этим видением Господь повелевал апостолу Петру идти на проповедь Слова Божия к язычникам.

Когда апостол Петр в сопровождении посланных пришел в дом Корнилия, то был с большой радостью и почетом принят хозяином, его родственниками и близкими. Корнилий в ноги поклонился апостолу Петру и просил его научить пути спасения. Апостол начал проповедь о земной жизни Иисуса Христа, о чудесах и знамениях, свершенных Спасителем, о Его страданиях, учении о Царствии Небесном, Крестной смерти, Воскресении и Вознесении на Небо.

Под благодатным воздействием Святого Духа Корнилий уверовал во Христа и крестился вместе со своими

постановили на все последующие времена праздновать день обновления и освящения Великой Иерусалимской церкви, воздвигнутой на священных местах страдания, крестной смерти и славного Воскресения Спасителя, Господа нашего Иисуса Христа.

родственниками. Он был первым из язычников, принявшим Крещение.

Он оставил мир и пошел на проповедь Евангелия вместе с апостолом Петром, который поставил его епископом. Когда апостол Петр со своими помощниками, святыми Тимофеем и Корнилием, находился в городе Ефесе, ему стало известно об особенно сильном идолопоклонстве в городе Скепсии. Был брошен жребий, кому туда идти, выпавший на святого Корнилия. В городе жил князь, по имени Димитрий, изучивший древнегреческую философию, ненавидевший христианство и почитавший языческих богов, в особенности Аполлона и Дия (Зевса).

Узнав о прибытии святого Корнилия в город, он тотчас призвал его к себе и спросил о причине прихода. Святой Корнилий ответил, что пришел освободить его из мрака неведения и привести к познанию Света Истины. Князь, не поняв смысла произнесенных слов, разгневался и приказал отвечать на каждый его вопрос. Когда святой Корнилий объяснил, что служит Господу и что причина его прихода и состоит в благовествовании Истины, князь пришел в ярость и потребовал от Корнилия принесения жертвы идолам. Святой просил показать богов.

Когда его ввели в языческий храм, Корнилий обратился к востоку и, преклонив колена, произнес молитву к Господу. Началось землетрясение, и храм Зевса и находившиеся в нем идолы разрушились. Весь народ, видевший происшедшее, был в ужасе. Князь еще более озлобился и стал советоваться с приближенными о том, как погубить Корнилия. Святого связали и подвесили в темнице на ночь. В то время князю сообщили печальную весть о том, что его жена и ребенок погибли под обломками разрушившегося храма. Но несколько позже один из жрецов, по имени

Варват, рассказал, что слышал голоса его жены и сына из-под развалин и что они восхваляли Бога христианского. Жрец просил освободить заключенного, так как благодаря чуду, совершенному святым Корнилием, супруга и сын князя остались живы. Радостный князь в сопровождении приближенных поспешил в темницу, признался святому Корнилию в том, что уверовал во Христа и просил его вызволить из-под развалин храма жену и сына. Святой Корнилий отправился

к разрушенному идольскому храму, и по молитве пострадавшие были освобождены. После этого князь Димитрий, все его родственники и приближенные приняли святое Крещение.

Святой Корнилий прожил долгое время в этом городе, обратил ко Христу всех жителей-язычников и поставил пресвитера Евномия для служения Господу. Святой Корнилий скончался в глубокой старости и был погребен неподалеку от разрушенного им языческого храма.

